



Ivlii Cæsarisi|| Scaligeri|| Epistolæ|| &|| Orationes||

Scaliger, Julius Caesar

Lugduni Batavorum, 1600

Ad Gvillielmvm Pogettvm Galliarvm Cancellarivm Præfatio amici nomine.
XCII.

[urn:nbn:de:hbz:466:1-70455](https://nbn-resolving.de/urn:nbn:de:hbz:466:1-70455)

Post expiatam veterem viuendi licentiam , quæ cum ipsis crescentis orbis primordiis mortalium animos trahebat secum ad diuina , nulla vñquam, Guillielme Pogette , sanctissimis philosophiæ nostræ studiis aptior atq. commodior ætas, quam hæc nostra orta est. Etenim qui tum maiorum prudentiam teneremus , tum eloquentiam requireremus , felicem illam quidem priscarum institutionum memoriā recenti diligentia æquare videbamur. Quem literaturæ statum cum esse cumulatissimum iudicabamus, tum excessisse fortunam omnem arbitrabamur , quod te olim ea in sapientia clarum ducem nunc etiam & gloriæ istius & laudis principem atque Imperatorem , fatum ipsum rebus propemodum desperatis obtulisset. ut cui sectandam sapientiam pridem virtus magnis operibus persuasisset , eius operas sacro sanctæ potestatis adiuncto præsidio Deus opt. max. comprobauit. Ita enim cnumerat sæculis superioribus , ut quæ exercitationes ex se haberent ex cogitationum

num sane difficultum, & sermonis sordibus ex annorum ambagibus teterimē efficien-
tes. Itaque his studiis per homines ineptissi-
mos non solum loquendi sed etiam iudi-
candi maximam calamitatem importatam
dicebamus. Ergo qui disceptando legibus
ipsis summum fastigium imposuisses, rerum
ipsarum fastigium nactus disceptionibus
modum statuisti. Quæ corum amentia,
quæ inuadebatur opinione æqualitatis in
scientia, nunc sese inferiorem cum agno-
scit, penitus extincta est. Nam si fata illa
ita voluntate nostra leges ipsas capi volue-
tunt, ei illæ ut tanquam castris Imperator
præficerentur. Quare vero non mutata le-
gum forma voluntas nostra mutata est?
Igitur qui summo pudore tuo sancisses in
me disciplinam, etiam summa auctoritate
abs te sanctâ vindicasti. Arbitramur enim
tibi ita visum esse, rerum omnium pri-
mum illum & summum & solum opifi-
cem, cum e seipso cepit principium seren-
di generis humani, vt cæteris mortalibus
leges duces, ita legibus certos annuos mo-
deratores præposuisse. Quorum tu in nu-
mero non solum Pogette, sed etiam esses
princeps. Quo factum est, vt qui ita cogita-
res, eos homines, qui vsum rei cuiuspiam

T cape-

caperent, aliorum commoda suorum commodorum spe sustentare posse, non iudiciorum factionibus iudex, non hominum affectionibus homo, non principum emolumen-
tis princeps, sed diuinis præceptionibus diuinus vir acquieuisti. Nam quæ labes vel purioribus literis barbarie vel iudiciis cupiditate facta esset, earum tu alteros olim orationis elegantia, alterius etiam spem ipsam animi tui præsentia abstulisti. Sane vero qui homines a legibus nostris tum benedicendi tum beneficiendi aliis leges accepissent, quare non & vellent aliis benedicere, & sibi vellent benefacere, ut essent boni? Quam te igitur quantumve dicamus, Guilielme Pogette, cuius huma-
nitas dignitatem æquet, potentia augeat facilitatem, sapientia superet necessitates? vel prudentiæ tuæ vel memoriæ nihil præteritū, nihil futurum, omnia tibi præsentia sunt, sed ita ut tu præsis illis. Nemio enim potest opulentissimi Regni, nemo Regis incomparabilis magnitudinem contemplari, qui te non intelligat cæteros mortales anteire, huius præstare imperia, illius commodis etiam superesse. Quod si virtutis laudcs recensere adulari est, hoc sane crimen sit Galliæ, sit Europæ vniuersum.

Non

Non feres tu me prædicantē , at non mei-
psum tacentem regnum feret. neque enim
bonam gratiam abs te quæsitam mihi tute
scis, qui te non laudari ab omnibus largius
sentis, quia sis paucis conscius, sed quia om-
nibus admirabilis , a paucis parce laudaris.
Peregrini atque adeo hostes nostri ipsi , illi
admirentur , hi vereantur animi magnitu-
dinem , expromptam memoriam , acerri-
mum iudicium, morum æquabilitatem, di-
uinam sapientiam : nos dissimulemus? Op-
tat animi tui moderatio id , vt de te silca-
mus, optamus nos ex tua diuinitate, vt de se
prædicet, vt te omnes norint, vt imitatione
similes esse velint, omnium nostrum oratio
etiam tua impar sit tibi. Alii deteriore for-
tuna humaniores sunt: te illa nescit. Alii se-
cundiore insolentes : illa tuum animum
sibi reformatum, opes Diis æquauit immor-
talibus, officia minimo cuique impertita
est ciui. O virum vere Heroem , verc diui-
num. Hoc est vti rebus præsentibus, possi-
dere præteritas , occupare futuras. Hoc
est vixisse nobis , vt tui similes nobis vi-
uamus ipsi . Magnitudinem tuam ne-
que capere tu , neque te illa queat . Sed tu
tui pars sis, cum nos quoque tui aliquid su-
mus. Diuina profecto res quæ exercetur ne-

T 2

que

que fathiscit, deciditur neque minuitur, ex-
cipitur neq. perit. Quare ab incunte puer-
itia ipsa vltima cum optimi Patris institutio-
nibus ita comparatus fuerim tui imita-
tione , cum ad istas tam sancte viuendi
leges optimis literis imbucerer , frustra
michi laborasse equidem videbar, si aut pro-
barem quæ tu improbasses, aut aliis insiste-
rem vestigiis, quam quæ tu in re literaria
impressisses. Igitur quod mihi hac opera
surreptum est, ut nouis artibus veterem ex-
colerem sapientiam, nō potuit a quoquam
commodius, quam abs te excipi, qui prius
his in studiis Imperatot quam miles extitif-
fes , qui leges a maioribus acciperes suas,
tuas aliis traderes, non tam ipsis fretus, quā
tuo illas confisas præsidio. qui earum essem
anima quædani. quibus denique per dissi-
dia atque tumultus exanimatis mortem
quasi quandam addidisses : vt non solum
quod maiores nostri factitarunt Iurispru-
dentiæ præsidio bonus sis , sed ipsis san-
ctissimis legūm sanctionibus opem attulisse
videare.

AD